

ادبیات عمومی و مخصوصی

هفتلق سیاسی ، ادبی ، علمی غزته در

جلد : ۸

سنه : ۲ ۱۷ شوال ۱۳۳۶ جمعه ايرتسی ۲۷ تموز ۱۹۱۸ نومرو — ۷۸

غره غرا خانك ارثحالی

شهرزاده باشنده مطنطن بر دوکون اولویوردی . قضاة عسکردن محبتی زاده محمد رضا افندینک کریمه سی زهرا خانم اوله نیوردی . داماد ، میر آلا ی مرحوم مصطفی بکک اوغلی کیقباد بکدی . چوقدن بری حاضرلقده بولونان طرفین بتون عظمتلرینی او پرشنبه کونی کوستره جکلردی . تا ایوب سلطانندن ، بوغاز ایچندن ، قاسم پاشادن محله قاریلری کلینی کورمه یه کلدیله . قوناغک قارشیسنده فریقان کرامدن متقاعد حسن پاشانک خانه سی کاشندی . پاشانک حرمی ، قیزی غره غرایه :

— قیزم ، حاضرلاک ، بوکون چوق اکلیرز . بتون دنیا کلین اوندی .

— آنه جکم ، بوکون برآز باشم آغرییور . بی عفو ایدک .

— آ . . نه دن قیزم ؟ بویله سیران سنه ده بر ظهور ایتمز .

— راحتسزم ، آنه . کله میه جکم .

والده شاشیردی . غره غرا خانم اوطه سنه چکلدی . حاجی حفیظه خانم ،

خانم افندی یه :

بالاده کی ایضا حاندن سوکره ، حیات حقنده کی تتبع افقزی کنیشسته بیاورز ، آرتق یالکیز
 ارضده کوردیکمز شرائط حیاتیہ چنیریلہ اکتفا ایتیمک ، قناعتلرمزه دها شمولی برالاستیقیت
 ویرمک لازمدر . ارضمزدہ کی اشکال عضوبہ محیط و تأثیرات محایہ محصولیدر .
 صولرک و هواک ترکیب کیمیوسی ، اعتدال حرارت و ضیا ، کثافت ، شدت جاذبه
 کی شیلر وجودیمزی تشکیل ایتیمک خدمت ایدن باشلیجه عامللردر .
 بنیه من قاربون ، مولدالماء ، مولدالموضه ، آزوتک مختلف نمودجندن ترکب ایتمشدر ، بو
 عناصر اساسیہ دن سوکره باشلیجه موادک باخضرص قلورسودیومک مهم بر رولی ده وارددر .
 حیوانک عضله لرله بزمنکیلر آرسننده کیمیوی هیچ بر فرق یوقدر ، بونلرک کافه سی هوا
 و نمودن کلیر ، ینہ آرمحیطلره رجوع ایدر .
 بوتون ذی حیات وجودلری تشکیل ایدن عناصر اصلیہ هپ بردر . اوت بیان اینکارله ،
 اوکوز بیان انسانلر عینی عضله یی نسج ایدرلر ، والحاصل ارضمزمک بوتون حاصلات عضوبہ سی ،
 قاربونک مختلف صورتده مولدالماء ، یاخود بعضاً آزوت بعضاً مولدالموضه ایله امتزاجندن میدانه کلیر .
 شمدی برآز انصاف ایله دوشونہلم : قاربونک موجود اولدیفی عامللرده طبیعتی بشقه درلو
 حرکت ایتکیدن نه عقی ایله منع ایدہ بیلورز .
 مثلاً اویله برجرم فرض ایدہلمک قاربون برینه سیلیسیوم ، حامض قاربون موقعنده ده حامض سیلیسیوم
 قائم اولسون بوراده ارض اوزرنده کی مخلوقاتدن بامباشغه برنیه وشکده عضویات نهدن ظهور ایدہ مسون ؟
 [دوام ایدہ جک]

عبر الفیاضه نوفیه

[کوستارلویون] ک آثارندن :

فرانسه اختلالی و روحیات انقلابات

زاقربلرک ذهنیتی : — چه بونعیر هیچ برطرز تصنیفده استعمال اولمیرورنده برحالت ذهنیه یی
 خلاصه اوله رق افاده ایتیمکده اولدیفی جهتله اونی توللانمقی نجویز ایدبیورز .
 بوزهنیت ، فرانسه ک بتون رجال اختلالنه حاکمدر .

دیگر مباحثه تدقیق ابتدیکم ز ذهنیت رمزیه ، ژاقوبنلرک روحنی تشکیل ایدن ارکان و عوامل مؤثره دنی بری ایسه ده هر حالده ایضاح اینده جکمز دیگر عناصرکده اشتراکی لابددر .

ذاتاً ژاقوبنلر ، بو ذهنیت رمزیه نیک تأثیراتی آلتند ، بولندقلرینی حسن ایتیه نیک منحصراً عقل و منطق ایله حرکت ابتدکارینی اداادن و اختلاف مدت دوامنجه بونیک کندیلری ایچون یکانه رهبر حرکات اولدیغنی تکراردرن برآن خالی قالماملردر .

مورخلرک اکثریسی ، ژاقوبن روحنی تدقیق ایدرکن بوصورت تاقینی قبول ایتشلردر . (تثن) دخی عینی خطابه دوشمشدر . مشارالیه ، افراطه واردیردینی و میل سائقیه ژاقوبنلرک منشأ حرکاتی اکثریتله عقل و منطق اساسلرنده آرامقده در . اثرنده کی تعریفات و ایضاحات قارشو حیران اولقله برابر ، مشارالیه اصل ژاقوبن روحیاتنه تمامیه نفوذ ایتمهش اولدینی فکرنده یز . کرک اختلال ایتاسنده ، کرک زمانمزه حقیقی ژاقوبن روحی ، تأثیرلری آکلاشلق ایچون همه حال آیری آیری تدقیقه محتاج برطاقم عناصردن مرکبدر . بونحایل نتیجه سی اثبات ایدیورکه ژاقوبن ، منحصراً عقل و حکمتک برتابی دکلدردر . او ، بر « ایمانکار » در ، معتقداتی عقل و منطقه کوره ، تألیف ایتیز ؛ بالعکس معقولاته کندی معتقداتنه موافق بر شکل و بر مک ایتیز ؛ خطابه لری عقل و منطق اساسلری اوزرینه مبنی ایسه ده نه افکاری نه ده حرکاتی بوقاعده به اصلاً تابع دکلدردر . ژاقوبنلر ، ادا اولندیغنی وجهله ، محاکمه ایله حرکت ایتیش اولسه ایدیلر ، هیچ اولمازه بعضا عقل و حکمتک ایجاباتنه ربطتکار اولمش اولورلردی . حالبوکه زمانمزه اختلاله دائر اجرا ایدیلن تدقیقاتدن ثابت اولدیغنه کوره ، ژاقوبنلر ، هیچ بروقت محاکمه و حکمت ایجاباتندن متأثر اولماملردر . ذاتاً ، مدار قوام و قدرتلری ده بونقطه اولمشدر . عجبا بوکا سببیت ویرنه عوامل نه در ؟ ژاقوبنلرک احوال و حادثات حقنده یک محدود اولان قدرت تلقیلری کندیلرینی سوق ایدن حسن احتراصات قارشو مقاومت ایده جک قدر قوتلی دکلدردر . ضعف محاکمه ، شدت حرص کی ایکی عنصر ، ژاقوبنلرک ذهنیتلرینی تشکیله کافی دکلدردر .

دها براوچنجی عامل وارددر . معلومدرکه حرص ، افکار و اجتهادات قطعیه نیک ادامهنه وسیله اولور ، فقط بونلرک اصلاً مولدی دکلدردر . حقیقی ژاقوبنلرک ایسه غایت قوی برطاقم افکار و اجتهاداتی وارددر . احوالده بونلرک متکامنی نه کی عوامل اوله بیلور ؟ ایتنه بونقطه ده ، مقدما تأثیر و قوتنی ایضاح ایتیش اولدیغمز عناصر رمزیه نیک موجودیتی نمایان اولور : ژاقوبن ، مقدسات قدیمه سنک یرینه یکیلرینی اقامه ایتیش برتابع رمزیاتدر ؛ اشکال و تعبیراتک قوتنه بیوک برابطمئان قلب ایله مربوط بولندیغندن ، کندیسیم بومقدساتنه خارق العاده برقوت اسناد ایدر ، و ، اولره خادم اولقی مقصدیه - هر نوع تدابیر شیده انخا ذندن چکمنمز . حال حاضرده بیله ژاقوبنلرک مسلکنی تعقیب ایدنلر طرفندن قبول و تصدیق ایدیلن قوانین بوبابده مقنع بددایلدر .

ژاقوبن ذهنیتی ، محترص و فکری محدود اولانلرده تبارز ایدر . فی الحقیقه بو ذهنیت قیسه ، و ، قولایقله دیکشمکه مستعد اولدینی ایچوژ - تنقید و مؤاخذمه به معتقدات مخالف هر نوع ملاحظه و مطالعه به

غیر مساعد بر قوه عقایه به صاحب اولان آدم لرده موجود در . ژاقوبن در حنه حاکم اولان عناصر رمزیه و مرضیه اونی خارق العاده بر صفتیه محکوم ایتکده در . او ، حادثات و اشیا نیک آنجق سطحی ظاهری علائقی و روابطی ادراک ایدیه بیلدی جهته ، کندی فکرنده تبلر ایدن اشکال خیالییه بر حقیقت کبی تاقی ایتکدن اصلاً چکنمز . چونکه حادثات آرم سنده موجود مناسبات و بولردن متولد نتایج ژاقوبنک دائره محاکمه سندن خارجدر .

کوریلورکه ژاقوبنلرک ، خاصه ممتازلری منطق دائره سنده محاکمه کیفیتی دکادر . بالعکس منطق عقلی کندیسنده . بک آز انکشاف ایتش اولدیغندن طولانی ، ژاقوبن اکثر با بک تهلکه ایدر . اعظمیدن برینک و تردد و حتی توقف ایدیه جکی بر نقطه ده ، جریان و میلان حسیانه کندی فکر محدودینی تابع قیلان ژاقوبن ، کمال اطمینان ایله حرکتیه مهیادر .

ژاقوبن ، محاکمات اجرا سنده مستعد کوریلورسه ، بحالده کندیسنی اداره ایدن قوتک عقل و حکمت اولدیغنه قطعاً حکم ایتیه میاید . بلکه او ، عقل و منطق دائره سنده حرکت ایتدیکنه ذاهبدر ، حالبوکه اونی سوق ایدن قوتلر ، عناصر مرضیه سی و احتیاطاتی اولدیغی جهته ، ساحه اعتقادیاتده ربط قلب و موجودیت ایتش اولان سائرلری کبی ژاقوبن دخی بر وادیدن طیشاری چیققی قدرتی حائز دکادر .

ژاقوبن ، مذهب دینیلرینی ندقیر شدتله مدافعه ایتدکلری بشقه بر مبحثده ایضاح ایلدیکن (قالوهن) ک سربدلرینه بک زیاده مشاهددر . معلومدر که ایمانلرینه صوکه درجه مربوط اولان [قالوهن] ک منسوبلرینه تعدیل فکر و تبدیل مذهب عذیم الامکان ایدی . اولرک مذهب و طرز ایمانلرینه معارض اولانلر اعدامه لایق کوریلورلردی .

[قالوهن] ک منسوبلریده ژاقوبنلر کبی کندیلرینی اداره ایدن کبزی قوتلردن بی خبر اولدقلرندن ، کندیلری ایچون کانه سائکک عقل و منطق اولدیغی ادعای کیری طور مازلر ایدی . حالبوکه حقیقت حالده اولرله حاکم اولان ذهنیت رمزیه ایدی .

حد ذاتنده ژاقوبنلرک عقل و منطق دائره سنده اجرای فعالیت و حرکت ایتش اولدقلرینی قبول ایتک ، اوللری اکلامانه سوق ایدر ؛ حالبوکه اولرک ذهنیت رمزیه به وحالت احتیاطانه تابع بولندقلرینه قانع اولنجه اجراءات و منشأ فعالیتلرینی ادراک ممکندر .

خلاصه اوله رق دیرز که : ژاقوبن روحنی ، ضعف محاکمه ، شدت حرص و ذهنیت رمزیه دن اولان اوچ عنصر ترکیب ایتشددر .

کیمی احمد ساقی